

Jidik Melele kin an Jejjet Kutien SEL ilo Washington: Ñan Rikaki ro

Ekka an katak walok jen Waween Leto letak ibben ro jet im Lomnak

Jikuul ko rej lale aer komman an wor mejatoto in karuwainene im kakoba aoleb rej jiban kolablok waween leto letak ibben ro jet im lomnak ibben aoleb rijikuul ilo waween ko rej kile melele ko moktalok im manit ko an rijikuul emaron jiban ilo aer tobrak iomwin ien aitok im ainemmon im ejmour. Lomnak im waween leto letak ibben armij ro jet rej kaju jiban waween an rijikuul katak im waween aer kojerbal ta eo rar katak. Lomnak im armij ro jej leto letak ibbeir remaron rojan an rijikuul ro bok kwonaer ilo katak, ak elane rejab lale, kakkure waween aer ronjak, kememej, im kommane muton ko remmon.¹ Waan jonak, katak ej walok ilo ien etobrak mennin aikuj kein:

- **Rej loe im ron ta ko rijikuul ro rekonaan.** Ilo ien an rijikuul tomak ke rikaki ro aer rej kile won er im manit ko aer, elablok aer maron tobrak ilo jikuul.
- **Renaj kolab aer kojerbal im kolablok kaju ko aer kajojo.** Ilo an rutto lukkun lale kaju ko ibben rijikuul-ikijen katak, waween leto letak ibben ro jet, im lomnak--elablok aer katak, im rijikuul ro elablok aer maron tobare jonan eo remaron.
- **Rijikuul ro renaj leto letak ibben ro rej jiban im kakaju er.** Ilo ien an rikaki ro kolablok waween aer leto letak ibben rijikuul ro aer, elablok katak im aoleb enaj lablok aer niknik ilo jikuul.²

Ta in Katak kin Waween Lomnak im Leto Letak Ibben Ro Jet?

Social emotional learning (katak kin waween leto letak ibben ro jet im lomnak, SEL) elab melele eo ke ej juon madmod eo ej kolablok melele im kapeel in lale waween lomnak, kojejjet kotobar, waween jela kajeen ro jet, im kommane kelet ko remmon im rej jiban tobrak ilo jikuul im mour. (Lale Melele kin Waween Kojejjet Kutien SEL eo an state eo an Washington)

SEL eo **ejab** juon waween "kureet" ak kalikar likjab ko, im ejab wot juon katak ak kakobaba. Botab, SEL ej juon bebe in kotobar nan kolablok kapeel ko ibben rijikuul.

SEL ej jiban **ejellok kalijeklok ilo katak**³ ilo elon waween ko: lale aoleben waween an juon ajiri ruttolok, lukkun lale waween an katak ilo ien an leto letak ibben ro jet, kolablok tomak eo ke aoleb ajiri remaron katak, kolablok kapeel ibben ajiri ilo aer leto letak ibben ro jet, im kokmanmanlok waween an rijikuul im rikaki jermal ibben doon—juon mottan eo aurok nan **aoleb** rijikuul.⁴

¹ CASEL. (2007). Emoj kar bok jen www.casel.org

² Jikin lelok katak eo an Aspen. (2019). *Jen juon aelon eo ewor uwota nan juon aelon eo ewor kojatdikdik: Rojan ko jen Kamijen eo ej Kolablok Jiban ko kin Waween Leto Letak Ibben ro Jet, Lomnak, im Katak.* <http://nationathope.org/communication-tools/>

³ Ejellok kalijeklok ilo katak ej melelein kajojo rijikuul enaj boke jiban ko rej aikuj nan aer maron tobare aoleben jonan eo remaron ilo katak im waween aer leto letak ibben ro jet. Emoj bok melele eo jen website eo an National Equity Project (Burojeek eo ej jiban jolok kalijeklok ilo aoleben aelon eo): <https://www.nationalequityproject.org/education-equity-definition>

⁴ Jones, S. M., & Kahn, J. (2017). *Melele ko emoj kamool kin waween ad katak: Jiban kolablok waween an rijikuul leto letak ibben ro jet, lomnak, im katak. Enaan in kamool ko emoj erra kaki jen Council of Distinguished Scientists (Koonjel eo an Scientist ro Emoj Kile Jermal ko Aer).* Washington, DC: Jikin lelok katak eo an Aspen.



Jonan Aikuj ko an SEL ilo Washington State⁵

Jela kin Emake:	Armij eo ewor an maron in kalikar ta ko ej lomnak, ta kajur ko ibben, ta ko emaron katak, im ta mennin jiban im jiban ko jen ro jet emaron kojermal.
Katte Emake:	Armij eo ewor an maron in katte ilo ien an inebata, lomnak, im mantin.
Kakajur Emake:	Armij eo ewor an maron in rojane emake, kajur, im loe ke remaron make kotobrak aikuj ko aer.
Jela kin Armij ro Jet:	Armij eo ewor an maron in lale ta ko jet rej loi im jela lomnak ko an armij ro jet rejab einwot er im oktak manit ko aer.
Lale Waween an Leto Letak Ibben ro Jet:	Armij eo ewor an maron in kommane kelet ko rejab lelok uwota im ewor tokjeir kin manit eo an make im waween an leto letak ibben ro jet.
Bok Kwonaan Ibben ro Jet:	Armij eo ewor an maron in lomnak kin ro jet im ej kwalok an konaan lelok kwonaan nan ainemmon eo an aoleb ilo jikuul im jukjukinbed eo.

Bebe eo an SEL ilo State eo an Washington: Mōttan ko Raurok im Jimwe ko ilo Komelele

1. Kommane mennin aikuj ko rej jiban SEL ibben rijikuul kin jikin im waween makutkut.
2. SEL ej aikuj an baamle, rikaki, jikin ko rej jermal ibbeir ilo jukjukinbed, im jodikdik ro jermal ibben doon ilo an komman im jeppet kutien jermal in.
3. Kolablok an rutto maron.

Ejellok kalijeklok: Kajojo ajiri eo boke ta eo ej aikuj nan an maron tobare jonan kapeel eo elabtata emaron.

Kejbarok manit: Ej loe manit einwot juon mennin jiban nan katak, ejab juon aban.

Kommane nan aoleb: Oktak ko ilo katak rej bebe kaki im lelok jiban.

Bok melele kin jorraan kauwotata: Jela kin ta ko rej walok jen jorraan kauwotata im ekoba nan kakien im waween jermal.

"SEL ko rej remaron oktak rej [kotlok] an rijikuul im rikaki ro kolablok aer kajur im kautiej doon ilo aer kile ta ko rej einwot im oktak ibbeir, katak nan lale wunin an wor kalijeklok, im kommane jermal ko ibben doon nan jolok jorraan ko ilo jukjukinbed im ilo waween an armij leto letak ibben doon."⁶

⁵ Social and Emotional Learning Benchmarks Workgroup (Kumi in jermal eo rej lale Jonan Aikuj ko nan Katak ilo Waween Leto Letak ibben ro Jet im Katak). (2016). *Lale katak ko kin waween lomnak im leto letak ibben ro jet ilo jikuul in kien ko an kilaaj K-12 ilo Washington*. Emōj bōk melele jen <https://ospi.k12.wa.us/sites/default/files/2022-12/selbworkgroup2016report.pdf>

⁶ Jagers, R. J., Rivas-Drake, D., & Borowski, T. (2018). *Ejellok kalijeklok im katak kin waween leto letak ibben ro jet im lomnak: Juon etale kin manit* [Jidik melele kin bebe in jermal]. Chicago, IL: Jermal ko Ibben Doon nan Lale Katak, Waween Leto Letak ibben ro Jet im Lomnak, Jonjon SEL.



Kadelon Melele ko rej Jiban Rojan SEL ilo Ruum in Kilaaj ko Kiō

1. **Ewor tokjen armij ro rej leto letak ibbeir.** Kolablok an emmon waween am leto letak ibben rijikuul ro am. Kamool manit im oktak ko ibben rijikuul ro kwoj jermal ibbeir. Lale kapeel in manit ko ibben rijikuul ro am nan kakajur SEL iloan ruum in kilaaj eo.
2. **Ewor tokjen melele.** Rijikuul im rutto rej kojerbal kapeel ko aer ilo waween aer leto letak ibben ro jet im lomnak ilo waween eo rej kile rebed ae. Kommane mejatoto ko rej jiban an rijikuul ro kojerbal kapeel ilo waween aer leto letak ibben ro jet im lomnak.
3. **Ewor tokjen jela kin SEL ilo Washington.** Jino ilo am kommane ta ko kwomaron make kommane ikijen SEL. Kojerbal [etale eo an juon make](#), einwot mennin jen Jikin eo an Rikaki im Ritol ro Elab aer Emmon, nan lomnak kin waween ko kwar make iooni im melele ko kin manit im rej jiban ilo am lelok katak.
4. **Ewor tokjen jela kin jermal ko kiō ikijen SEL.** Bok melele kin jermal in SEL ko kiō ilo Washington State ilo am lale ta jonan aikuj ko, jonan ko jinoin, kein kalikar ko, mottan ko raurok, im jimwe in melele ko. Lale waween ko kwomaron kotobrak jonan aikuj ko ilo kilaaj ko am ne ejab kakobaiki nan aoleben kilaaj ko am.
5. **Ewor tokjen kojerbal bebe ko rejjet nan SEL.** Kojerbal im etale bebe in katak ko im waween lale ruum in kilaaj eo emaron lelok juon mejatoto eo elablok jiban im lale doon— einwot [Jilu Katak in SEL ko Relab](#) jen Bukon in Jikuul eo an Oakland Unified.
6. **Kommane ruum in kilaaj ko rej kejbarok manit im kakoba jermal ko an SEL.** Kadedelok [Katak in SEL eo an OSPI Online](#) nan rikaki ro rej kakoba SEL nan ruum in kilaaj ko rej kejbarok manit. Kojerbal [Melele eo nan Kojejjjet Kutien SEL](#) nan katak, waan jonak, im kojejjjet kutien SEL kin jimwe.

10 Waween Lelok Katak ko rej Jiban Rojan SEL⁷

- ✓ Katak kin Bod eo nan Jiban Rijikuul
- ✓ Waween an Rikaki Kenono
- ✓ Eddo im Kelet
- ✓ Karuwainene im Jiban
- ✓ Karejar ilo Katak
- ✓ Melele in kenono ilo ruum in kilaaj ko
- ✓ Make Lomnak im Make Etale
- ✓ Katak ko Emmon Jonan ilo Aoleb Waween
- ✓ Jeje in Katak im Ta ko Emoj Katmane
- ✓ Kolablok an Juon Loke Emake-Waan Jonak, Waween Kojerbal, Lelok Melele, Lelok Katak

⁷ Yoder, N. (2017). *Lelok katak nan ajiri ilo aoleb waween ko: Waween lelok katak ko rej jiban katak ilo waween leto letak ibben ro jet im lomnak ilo jilu bebe in jermal ko rej etale rikaki* [Jidik Melele kin Katak nan Waween Kojerbal]. Washington, DC: Jikin eo Elab an Emmon Rikaki im Ritol ilo Jikuul ko an Amedka rej Komman Katak.



Mennin Jiban ko ikijen SEL nan Rikaki

Mennin Jiban ko ikijen SEL nan Rikaki jen CASEL

Juon laajrakin melele ko emoj an CASEL kebooje im ej lale mennin jiban ko ikijen SEL nan rikaki ro.

Jikin eo Elab an Emmon Rikaki im Ritol ro

Katak kin Waween Leto Letak Ibben ro Jet im Lomnak Aoleb Raan ilo Ruum in Kilaaj ko ekoba katak im bebe ko nan rikaki ro.

Katak kin Waween Leto Letak Ibben ro Jet im Lomnak im Likjab im Rojan ko nan an Ejellok Kalijeklok

Mennin jiban ko nan kotobrak an ejellok kalijeklok ilo ruum in kilaaj eo am.

Mottan Aurok kin Waween Kojerbal SEL: Bebe ko Edik Wonneir im Edik aer Kabanban

Jidik Melele jen Doulul eo an Wallace nan katak kin bebe in katak in SEL ko remokaj.

Jejjetin Katak Jen State

Massachusetts: [Bok in Melele kin Jejjetin Rikaki ñan Waween Kakoba Aoleb](#)

Michigan: [Kakoba Katak kin Waween Leto Letak Ibben Doon im Lomnak nan Bebe in Jerbal eo ej Kokmanmanlok Jikuul ilo Michigan](#) (peij 18–19)

Minnesota: [Melele in Kolablok an Jejjet Kutien SEL ilo Bukon](#)

New York: [Katak kin Waween Leto Letak Ibben Ro Jet im Lomnak: Aurok ko nan Katak, Aurok ko nan Mour](#) (peij. 28–29)

Tennessee: [Bebe in Jejjetin Katak im Etale Melele](#)

Laijen



Ijellokun ne emoj bar kojella, [Jidik Melele kin Doulul ko an Armij ro ilo Jukjukinbed im Jodikdik](#) ekkar komman nan [Washington Office of Superintendent of Public Instruction \(Opij eo an Ritol eo an Jikuul in Kien\)](#) jen Kumi eo ej jerbale SEL im ej laijen iomwin [Laijen eo ej kōmelim kōjerbale melele ko 4.0](#). Aoleb pija im kakolle in bejnef ko rej mweien oner ko kajojo.

Mennin jiban in emaron wor link ko nan website ko pade ro kein kajilu rej komadmodi. Rej lewaj wot link kein nan kapidodo am loi im rejab kwalok ak kalikar ke OSPI ej kamool ak lale ilo jabdewot waween.

Ne renaj bok jermal in, jela ke oktak ko relab im an oktak etan taitol, jolok jabdewot pija kakolle ko an Washington Office of Superintendent of Public Instruction (Opij eo an Ritol eo an Jikuul in Kien ilo Washington). Lelok melele in kile eo laajrak:

Emoj kar bok mennin jiban in jen peba ko jinoin rekkar itok jen [Washington Office of Superintendent of Public Instruction \(Opij eo an Ritol eo an Jikuul in Kien\)](#). Kwomaron bok peba ko jinoin ilo ilo [website eo an OSPI ikijen Katak kin Waween Lomnak im Leto Letak Ibben ro Jet](#).

